

吳橋志序



物之有志一方之文此也史記  
民風皆於此存裏馬河閣  
非淺鮮也官於斯其見封域  
之險易建置之沿革戶口

吳橋縣志序

之隆殺官職之邪正考鑿  
曰夫以施補救之於是者善  
治也於斯者見山川景物  
咸有矣士樂業之思見  
賢良存義感懷草簿

從忠之志見科第宦路  
心乃以子稽古之禁求觀  
奮興競相勸勉下於是  
有淳風然則志書亦胡可  
闕哉吳橋有庶志出自

本邑故憲副省旅剛李先生  
手迄今百年矣屢經兵  
燹板不泯存前古聽甚  
缺殘後者未能增續志  
以中斷良可惜也今

皇清受命肇華域萬方薄沁  
內外悉我版圖幅隕荒  
未有成之於時考多  
白重之允輔臣請修一統志俾州  
縣各編輯以進以備揆揆

吳橋縣志序

贊  
承之邑令敢不恪共乃事  
困襄鉅典爰集師儒博  
詢父老合舊章新聞  
而損益之開局授餐  
積有歲月編以成書

為十卷一曰輿地二曰宮室  
三曰名貨四曰官師五曰選  
采六曰人物七曰藝文八曰  
武備九曰五刑十曰終志  
闡見不廣遺漏或多

然而大略已備矣志成付  
梓冀於以竊者感焉  
公舊志修于萬曆三祀  
彼一時也太平日久煙火  
相連乾絲蕃庶迨至

明末戎馬凶荒相繼為災  
焚子遺燭殘不堪向矣  
孝家

朝定鼎罪覃敷聲教惠綏為  
方民乃稍蘇而元氣未尚

未全改也責莊茲土怒抗  
多之乃恪遵

上臺憲約為之緩催科均  
戶口修學校練鄉勇力嚴  
保甲赫示差次耗捐贖緩朝

久非統惟以負

白重之休息斯民至之忘然才短  
以拙於事無補賦稅未  
少骨不完而刺肉酸面瘡可  
念也少役未嘗或偏而憚

人載傷可哀也村為狃存  
矣類十字家而九空也絃  
誦如故矣數捉襟而肘露  
也豈非久饑也非一飯之不能  
充久病也非一劑之所能愈

乎則今日之吳橋亦如昔  
之蕃庶雖矣嗟乎今窮  
瘁疾苦非獨以之而然也  
一以望司  
國計者由一邑而推之列邑繪

圖八

答晉邀

皇仁以固邦本為

國家奠後萬年不援之  
基下邑小臣實藉者休

光

吳為序

康熙

丁二年歲在癸丑秋

月吳為序縣知事任先道謹

序



吳橋縣志目錄

輿地志卷之一

城圖

境圖

河圖

建置

星野

疆域

山川

古蹟

城池

街巷

鄉甲

橋梁

鎮店

庄村

集場

俗尚

吳橋縣志

目錄

一

宮室志卷之二

縣治

學校

名宦

鄉賢

祭器

書籍

社學

陰陽學

醫學

公署

驛遞

舖舍

廟寺

壇壝

祠宇

坊表

食貨志卷之三

戶口

田畝

塩課

河政

物産

官師志卷之四

縣官

典史

教諭

訓導

驛丞

駐防

選舉志卷之五

甲科

鄉科

歲貢

選拔附

例貢

吏員

侍衛

吳橋縣志

目錄

二

人物志卷之六

先獻

宦望

淑行

義士

義勇

孝子

節婦

藝文志卷之七

詩

奏疏

傳

記

示

書啟

武備志卷之八

兵制

駐防

保甲

馬政

王言志卷之九

誥命 文

誥命 武

封爵

恩廕

終志卷之十

塚墓

誌銘附


吳橋志目錄終

吳橋縣志



目錄


三




吳橋縣志圖




境圖





吳橋縣志圖

境圖



吳橋縣志圖



境圖



吳橋縣志卷之一

吳橋縣知縣晉陽任先覺裁定

儒學教諭平于郝化鳳叅訂

典史蓉城鮑鉉祚校閱

儒學生員楊萃纂修

祝吉士

李賡颺

劉德昭詮次

吳橋縣志

卷之一輿地

輿地志第一

安陵之封邈矣莫追建置沿革不常所治福爾附庸  
列在王畿幅幘錯繡民物攘熙齊魯風古燕趙俗遺

徵文考獻意其在茲作輿地志第一

建置

禹治水分九州吳邑當在兗州之分 夏書禹貢云

濟河維兗州

商周因之

列國屬齊

武清廟碑云吳橋本齊地而今屬于燕也東光志云樂毅奔趙趙封之于觀津則是

邑本趙地于燕無涉其於齊或以嘗屬渤海云今東光在邑之北既非燕地則吳橋安得踰東光而為燕耶若景州則趙地矣存疑以俟知者

漢初置安陵

漢復置將陵

按漢書曾以宣帝大母家封將陵侯今縣東南有廢城在

晉省

隋復置安陵

廢城在城西北二十五里

隋大業間以安陵隸平原郡

吳橋縣志

卷之一輿地

二

仁壽初更長河縣

唐武德四年置安陵隸德州 出郡志

宋景祐元年移治長河鎮置長河縣隸永靜軍

即今景州

金初仍將陵後因縣之吳川置吳橋縣隸景州

元初仍吳橋隸河間路憲宗三年陞陵州隸濟南路

至元二年復為縣三年復為州隸河間路

明洪武七年仍曰吳橋屬景州隸河間府今

國朝因之

瀾陽

古黃河匯流其南故以此名邑

吳川

在縣城南門外古黃河堤南金始於此置縣川上有橋縣以名

北吳

大學士范質公邑侯王思侗皆有北吳歌因南有吳下故名曰北吳

論曰古禹貢兗州之地漢以來或為安陵或為將陵沿革分合不一然安陵之安謂衡水之有安瀾也將陵之將謂孫子之有將材也若今縣之取義則與長河同焉考古者不惟其名惟其實安陵僅得景之半而贖塚則在域中雖甚荒畧大抵不離將陵者近是

吳橋縣志

卷之一輿地

三

星野

角亢壽星之次

按分野自軫十二度至氏四度為壽星

漢書天官志角亢兗州史

記角亢散為充分為鄭景州衛河以西原屬冀河以東原屬兗則吳橋為角亢壽星之次明矣

郡志河間入畢十度見晉書

天市西垣南第十星曰河間

論曰說者曰郡之分野即邑之分野則吳橋亦當在畢十度矣據州志東光志俱屬趙地趙之分野當在

大梁之次以衛水爲界在地則盈盈襟帶耳在天則辰西東西隔越夫以彈丸之區與清虛碧落之上細分界限不亦恍忽而莫據乎天道遠姑存而不論可也

古者列國皆有星官以譏察妖祥如裨竈之卜楚梓慎之占宋史墨之占越其應若影响蓋占驗有定術也今則星官掌於欽天監而郡邑不得私習矣况夫天下一統一星之祥則天下同其福一星之妖則天下同其變又何必區區強分界限以祖牽合之說哉錄舊志

### 疆域

吳橋縣直隸河間府景州東西廣四十里西北袤七

## 吳橋縣志

卷之一輿地

四

十里上

### 觀

京師六百四十里南至江南二千七百四十里東至寧津界二十五里抵縣五十里東南至山東陵縣界三十里抵縣七十里西南至山東德州界二十五里抵州五十里西至景州界二十里抵州四十里北至東光界四十里抵縣七十里

論曰古附庸之國也孟子曰絕長補短將五十里猶

可以爲善國生斯土者須勵人傑地靈之志泣斯土者不負于室爲宰之才其庶幾歟

山川

平原曠野有川無山

衛河源出衛輝府輝縣之蘇門山下安陽經臨清德州至縣城西二十里桑園鎮由連窩鎮入東光界至青縣豹家莊會滹沱河至天津衛直沽入易水東入海漕運要路歲有防漕護運官兵

吳橋縣志

卷之一輿地

五

鈎盤河

即黃河故道也在縣城之南

夾河

在縣東北十五里二水分雙虹並駕河流激湍處

沙浪口

在城西二里許是大河分流處經吳家廟王家橋馬家庵于家集北入東光界舊志云

柵欄口河上古蹟二字不應俱從木傍土人傳訛今改正

龍灣

在縣城東二十里淺深斷續流行東匯寧津縣界谷家河舊志所謂龍潭夜月是也今據

俗傳有龍灣者三一在溝店舖南孫家莊后一在溝店舖北王士良莊東一在城東南二十里菓園未詳孰是

梅家窪

在城東北三十里

白草窪

在城西南三十里

曹家窪 在城西十里

千頃窪 在城西北五十里衛河之西係景州衆水下流每遇秋潦汪洋無際千頃信非虛也

古蹟

將陵城 在縣東南三十里趙寨鎮北一里許基址尚存草木叢茂禾黍盈疇舊志所謂空城春草者是也

安陵城 在城西北二十五里衛河東岸在窪場店南里以今考之離景州十八里且在衛水之東故州志不載今鄉鎮各以安陵取名

乾石橋 乾石字義未詳在城裡縣治十字大街西范公祠東古堤斷岸巋然尚存土人相傳作室

吳橋縣志

卷之一輿地

者掘出磚瓦埋之疑即其橋故址也城外大河南岸世傳有吳家橋橋畔有甘泉以為吳橋南頭今與城中橋址對直南北三里許邑之得名不虛也

祭風臺 在城南黃河堤頂上高數丈舊有與點亭風景佳麗邑中勝地今皆頽廢舊有龍王廟今

移于南關外

拏龍口 在城東十二里

夾堤圈 在城東十五里

蓮花池 在城東北三十里

永濟渠 舊志不載其所在今亦無考

雙井 在城西北十里鱸場王家庄兩井相離僅尺許一甘一苦味迥不同

栢園 在縣南三里許大河南畔副憲李省齋建舊志所謂南園花木者是也

瀾園 在縣北城濠上范文忠公建此地有叢林灌木峻嶺清流景之盛者聽秋閣快風亭榮木

軒澄碧堂冰雪齋如石山房天然丘壑可稱名勝今廢

山雨樓 在縣治前大門上知縣劉鉞建飛翬重簷壯麗弘敞舊志所稱樵閣晨鐘者是也遭兵焚

燬順治三年邑侯王家楫重修惑於堪輿家言則規模卑隘矣

文昌閣 在文廟東城上知縣龔勉建後惑於堪輿言改一小閣余侯尚春重建舊志所稱東閣文

昌者是也

吳橋縣志



大學士范質公撰碑記

從來人文之興雖應運會然而毓秀表異則地靈攸關焉吳為瀛南屬邑幅幘褊小川原渟帶形家亦艷稱之逞哲蔚起每以事業節義顯列之志乘燦如也嘉隆間有龔侯者建文昌閣於東城震方一時人文騰踔彬彬稱盛後來議移他所趾背而氣勿聚遂就寥落比者兵氛入境子衿輩多膏鋒刃壁水芹宮幾成茂草固劫數使然亦或風氣有所缺失乎余侯來泣吾邑值殘破後侯以名進士蜚聲兩地文事武備釐然具舉九庠序獄訟城埤桑麻倉廩道里兵役莫不規擘有緒義問翕然復於莫釋之餘周行覽視見文昌故基慨議修復爰詢擇奎壁踞勝之所果莫若東為吉躬自捐俸庀材揆日九榷梓甌甑白堊丹牖不日而復舊觀落成之日縫掖子弟歡然拜舞環橋咸歎公留意文治流美千禩已又聚而謀思所以不

朽吾侯者丐余言伐石記之余解留樞彳亍道路傳  
聞侯治行甚晰而此舉修廢飾墜厥功更茂多士繇  
茲興感槐市芬郁璧沼琮琤奎曜騰煜蔚然應川巖  
之秀其無忘賢大夫嘉與維新之功哉攷文昌誕靈  
蜀地今侯爲蜀產渠故有銅魚洲洲有石磧黃色若  
魚九遇開科歲水聲潺湲異往時必發高第是舉也  
侯且分虹飲淑氣點綴瀾陽余敢不爲枌榆壇坫彰  
茲盛舉乎雖然余又不徒以文章科第盡余邑之所  
以祀文昌也按蜀志刻梓潼事跡上遡邃古及前後  
身語涉渺忽而該其本末無非貞臣良相孝子義夫  
隱君子之蹟至所臚列事應非徒垂訓子衿也廣之  
將風勵羣黎百姓教以忍性情明名分去血氣之欲  
安君子之雅無論安危恒變不失雲漢日星昭四方  
之象而後煥乎其有文章也苟曰黼黻丹青乎竿笠  
豆獻乎以覬覦乎祿之盈釜而佩之鳴身乎是學不  
足而取是以文之也豈余與侯之望焉因竊取吾侯

吳橋縣志

卷之一輿地

八

文治之意歌咏之以告後之洎斯土者其詞日地靈  
攸萃吳川故鄉兵燹勿飭慨焉羨墻典學明備維茲  
重地翊運敷文奎纏斗次天降周禎錫我賢侯造福  
紳衿百祿是邁文治聿修百廢俱舉表厥多士人用  
興起經之營之不日告成煥彼堂構翬革高閣扶救  
勿違加意董勸用廣薪樵斯文是憲貞臣孝子俾嘉  
俾臧章爾風化率彼周行爰究爰  
度崇祀是亟百爾君子無忘厥德

無名樹

在縣東北二十里有古樹似榆非榆  
似槐非槐有子青碧如菘豆可食

潦兒窪

在城內西北大寺後  
水深莫測春冬不涸

釣魚臺

在城西北二十里水波鎮之東臺方里許基  
址尚存河流泛濫時土人網罟之處俗傳姜

太公釣魚臺則  
附會之妄也

古塚 一在城北十里蘇家庄後一在劉家庄東南  
一在馬家庵西北其南二塚東西相去里許  
北一塚與南二塚相去二里許土人掘地有磚甬道  
遙與塚基相通深不可入遂掩覆此係古人墓門無  
疑也世俗訛傳不  
可信然不可考

城西新鎮 俱在

論曰按吳橋形勢龍灣繞其東衛河縈其西地勢平  
衍四無崗阜舊志云疇平野濶川秀地靈此其大槩  
也舊有八景一曰龍潭夜月二曰贖塚秋風三曰祭  
臺晚照四曰譙閣晨鐘五曰黃河繞帶六曰城柳拖

吳橋縣志

卷之一輿地

九

烟七日空城春草八曰古井甘泉前人題詠甚多邑  
人銅仁府知府敖文瑞詩最著世湮年深荒廢無存  
夫福僻一區野曠原平既無名山大川復罕竒蹟芳  
踪卽撫拾點綴終覺寂寂似不必於荒烟蔓草之際  
而過爲明月蘆花之尋也

城池

磚城高三丈六尺週四里一百二十步梁口  
八百三十八個角樓四座更舖八座門樓四

座東門舊曰望海今日長春南門舊曰瞻嶽今日永  
康西門舊曰通衛今日定武北門舊曰拱辰今日廣

禦

舊土城在古黃河北岸今置縣於此明成化二年知

縣張鐸以其湫隘逼近學宮南直拓五十餘步今南

門裏小十字街係新開東光教諭魯載碑記

嗣大歷服之二年廷議以爲捍外衛內容民畜衆莫城池若也乃專遣憲臣奉璽勅督有司於農隙之時而修築之皆出宸斷焉夫吳橋河間屬邑也舊有城池歲遠坍塌湮塞殆盡惟遺址尚存今令張侯天順八年自胄監釋褐宰是邑廉介有爲置直不屈到官之初卽拳拳以此爲慮乃率在官之人於城之坍塌者修築之池之湮塞者疏濬之及設法勸邑之能事者若義官郜恒陳廣郭政申王夏釗齊文淵醫官李義義民夏義張榮耿祥等鼎建四門翬飛之勢寔聳瞻厥功垂成而朝命至矣適郡守太原賈

吳橋縣志

卷之一輿地

十

公專督其事至邑獎勵謀功深如侯願遂併工竭力營之侯則躬督板築之務不憚勞勩見星而出見星而入蒙犯風日霜露未嘗一乘馬張蓋以城南垣逼近學宮湫隘弗稱遂直南拓地五十餘步於是文廟之向高明爽塏非昔之比矣興役於丙戌之秋訖工於歲之冬爲城九四里六十步高三仞有奇爲門樓暨角樓凡八座爲敵臺九十有七爲雉堞凡一千五百口言城之勢雄鎮一方眞足爲捍外衛內而容民畜衆矣不特此也侯之政可紀者尤多嘗以貿遷有無商賈之業也乃度城隙地畫爲市井建立民居又平城南壕之地置市廬招商旅而赴集者自若矣以公館所以廬賓旅也乃勑立察院行臺爲正廳三楹爲門房庖厨凡十五楹而往來公使止宿有地矣以倉廩所以廣儲積也乃損俸金創立義倉凡五十餘間於縣治之東西民山粟以實之凡三百餘一遇歉歲而賑貸有矣至於學宮倫堂齋廡壇

潭祠宇罔不一新此皆侯修城之餘力也先是侯蒞任未幾宅宇有馴鳩營巢之異殆今蕃育翔集不德政感召以至于斯論者以魯中牟馴雉之異擬宜哉予友吳橋司訓成君端王君英具其事之始末以記見屬辭不獲惟昔召穆公營謝仲山甫城齊尹吉甫皆誇詠以詩以垂不朽公劉居邠外以廬旅爲先考亭守漳以立義倉爲急其事載諸經傳昭示無窮是皆有益於國有利於民者侯能法而行之宜書惜子藻思涼薄不足以鋪張盛美特因二君之情姑摭其寔以記之若予所不能發者又有待於詞林鉅公大書不一書蓋將與崧高蒸民公劉考亭之流風餘韻同馨並美於無窮焉若侯誠能仰副朝廷捍外衛內容民畜衆之意矣猗歟盛哉侯名鐸字文器滁之全椒人

弘治十三年李欽重修正統三年劉鉞重修萬曆三

年龔勉重修萬曆四十五年毛焯重修崇禎八年陳

燦重修崇禎十一年邑候余尚春以通許調任改建

### 磚城范質公先生碑記

余年來叨司邦政辨輿圖要害抵掌而論古今猶覆奕也自文皇帝遷都北平環衛星拱列郡邑以百數乃若瞰中原張左輔吳邑雖褊小穀縮南北固四戰地也向襲承平夜戶不閉三里之城積土爲垣與民休息無暇爲言之壙也今方域多警雖有百雉之雄尚未易捍而無險可恃豈有幸乎凡百有司傳舍其官苟徼旦夕無及于其身耳一逢不測倉皇無備以至暴骨盈城何論原野伊誰過哉竊聞易之有事者三一曰屯一曰蠱一曰革屯則難之始也利在經綸蠱則弊之因也利在幹濟革則事之終也利在變

更其時三其道則一總需真精神以成功業侯蓋兼之也有國家者莫大乎詰兵長子之固不如晉陽附民也河陽壁壘一朝變色詰兵也茲月餘之間互變頹堞爲崇墉迴視向者箭瘢刻畫暮夜號於郊外無肩鑰之限可以倚命侯不憚搶攘措之衽席卽四郊多壘寧復如昔之惴惴無固志哉考春秋之城列邑國不絕書楚叔敖城沂君子謂敏子囊城郢君子謂忠願叔敖三月而成子囊猶有待于後功用殊矣若夫決疑謀興軼事不再計而決不踰月而成則敏且忠何如也然非常易慎慮始爲難當驅呻吟之衆以事搽作旁觀者誰不躊躇乃踴躍趨事誦聲偕作非有沉謀遠識擔任于初仁心妙用感動于後孰使子來不日以臻如此之烈耶佚道使民雖勞不怨今日之謂矣又聞侯日選鄉勇教以擊刺火噐礮石弓矢森森如列武庫萬一風塵有警咄嗟立辦備取之裕如矣詩曰哲夫成城又曰懷德維寧百年永利其賴

吳橋縣志

卷之一輿地

十一

此版築哉余樂觀成事爰爲記其緣起以著侯之保障苦心若其他徽政纍纍未易枚舉以侯傳循吏採入國史不暇觀縷矣余侯諱尚春字飲虹四川渠縣人甲戌進士

街巷

十字街

在城正中分爲東街西街南街北街餘小道俗呼爲九丁十八巷成化二年知縣張鐸分

畫

秀才營

乾石橋

季家衚衕

窩貨市

小十字街

半邊街

在東門裏  
迤南城下

大寺衚衕

南營子

養濟院街

論曰城池者立國之本也先王建邦設都聖人體國  
經野此物此志也吳地土壤沙溜版築方歇灘塌隨

之甃之以磚則屹然金湯矣謂遂可恃乎其大如斗  
一週僅三里耳人或謂城小而堅胡不慮城堅而猶  
然小也無兵無食將何以固吾圉人心効順其本計  
歟語曰衆志成城

鄉甲

洪治初年編戶五里曰仁和曰孝義曰豐樂曰安陵  
曰定原十四年復增四里曰順政曰順義曰安德分  
定原爲二曰定原北曰定原南永樂十年復增一里

日新得景泰三年復增一里日新安天順六年復增  
二里日歸仁日歸厚成化八年復增一里日崇德共  
爲十四里

論曰民必土著也隨其土以名其鄉所以辨方所以  
經野所以繫民也

國朝因故明舊籍自洪武以來漸增十有四鄉其所居東  
西南北必有辨矣今問之上人咸曰吾某鄉之人也  
問某鄉爲某處則不知也是皆由於遷徙分散版籍

吳橋縣志

卷之一輿地

十四

錯亂以祖宗幹止之故處而莫曉其所從來異哉邑  
無載筆以故不可復考志之缺也其弊如此

錄舊志

橋梁

十里梁 俗稱楊家橋  
在縣西十里

吳家橋 在城南大河南岸俗  
傳爲吳橋故址

王孝橋 在縣東  
十五里

高官莊橋 在縣東南  
十二里

朱家橋 在縣東南  
十五里

窰王家庄橋 在縣西北八里

張大路橋 在縣西北二十五里

長河橋 在城東南一里許鄉民何謹建知縣張守身碑記

蓋聞昇仙萬里西蜀之靈境攸存朱雀百花東越之  
奇觀斯著兼以垂虹駱駝均之卧波雲龍然而踪涉  
幽幻或其勝假游佚即屬普濟亦藉重施故事有大  
而弗章善無微而靡錄予令瀾陽實當孔道日惟鞅  
掌于軒輶時復留心于營繕自鼎新學廟而不變士  
風弘闢倉社而賑賙民困他若城陣園路一切次第  
增修雖未能臻蕩平邳理殊不屑襲溱洧小惠距城  
而南拓里有許長堤綿亘蜿蜒如龍虎之蹲踞古蹟  
起伏廻環若蜂鶴之腰膝堤之巔為東嶽行宮堤之  
下為黃河故徑歲節行宮有會人由故徑而來第勢

吳橋縣志

卷之一輿地

十五

近洿湫間苦水患顧予目之所擊亦厘予之所軫爰  
有何氏聿廣德心傾一已之貲糧鳩羣工之材力架  
木為梁鑿石成堰飛欄曲檻縱乏華表巍峩負擔馳  
輿度免褰裳濡足携嬰扶幼駿奔香火者焚焚乘堅  
策肥瞻仰廟貌者濟濟不煩偕贊獨竭心裁為便良  
多厥功實懋允稱向善之民信補行仁之化緬維龍  
見火見周制用之修除徒杠輿梁王政惡為先務既  
係便宜且關職守予即歉于摠理民乃趨于利益斯  
稱盛美可勒瑱珉至于編竹渡蟻猶食厚報于當年  
解帶助浮曾享榮名于不朽斯又天道之必然而非  
若人之所計也橋始于辰年二月二日即于其年七  
月二日落成橫濶丈餘長濶五百餘步何氏名謹住  
邑城南關  
是為記

鎮店

連窩鎮 四在縣西北

安陵鎮 二在縣西北

西堂 二在縣東南

趙寨 二在縣東南

感德店 十在縣南

新鎮店 二在縣西南

畢薛店 三在縣西南

高家店 二在縣西南

吳橋縣志 卷之一輿地

單家店 二在縣北

水波鎮 十在縣北

慶豐鎮 十在縣北

北徐王 四在縣北

波查店 里在縣北四十

范家小屯 二在縣北

南徐王 三在縣北

溝店舖 十在縣東

東高家店 在縣南三十里

新集 在縣南二十五里

窯場店 與縣西二十五里府志吳橋縣有磚窯二座一與景州窯鄰一與寧縣窯鄰俱在衛河東岸

庄村

遷民屯 五城東北

楊校尉家庄 三城東北

甯家庄 八城東北

張福廣家庄 十城東北

五道子李家庄 二城東北

前郭家後郭家 十五城東北

羊皮徐家庄 十城東北

郜家庄 十二城東北

吳橋縣志



卷之一 輿地

十七

搭連韓家庄 三城東北

蔣家空 十五城東北

朱家寺庄 十城東北

梅家庄 三十城東北

圈裡張家庄 十城東北

菜園王家庄 十城東北

王士良家庄 十城東北

編席楊家庄 十五城東北

崔家庄 十二城東北

馮家庄 十城東北

老鴉張家庄 二城東北

白楊樹郭家庄 四城東北

窪吳家庄 二城東北

窪呂家庄 二城東北

邢家庄 八城東北

疇羅寨 十城東北

朱王馮家庄 八城東十里

油房曹家庄 三城東十里

陳家庄 三城東三里

金子王家庄 四城東三里

大王劉家庄 八城東八里

堤上季家庄 五城東八里

孫騎兵家庄 八城東八里

譚家庄 八城東八里

大李家庄 十城東十里

大趙家庄 五城東十里

陳敖家庄 八城東八里

大孫家庄 二城東八里

管家庄 十城東十里

姚家庄 十城東八里

毛家庄 十城東八里

尙家庄 十城東八里

吳橋縣志

卷之一 輿地

十八

河南周家庄 三城東三里

小王張家庄 六城東六里

堤上何家庄 三城東三里

朱家河庄 十城東十里

韓春家庄 十城東八里

郭家庵庄 十城東十二里

寇家庄 十城東十二里

銅城庄 十城東八里

關王堂庄 十城東五里

菓園庄 十城東五里

平房盧家庄 二城東二十里

古良有家庄 十城東八里

廟坡庄 十城東五里

蔣家庄 十城東五里

張珂家庄 八城南八里

王祥家庄 十城南十里

方家庄 五城 南十

又河張家庄 十城 南二

金家庄 五城 南

李牌家長庄 十城 南二

大吳家庄 十城 南二

姜家庄 十城 南二

大道孫家 十城 南三

李芳家 十城 南三

千戶營 八城 南

東劉漢家 十城 南三

潘家庄 五城 南十

車家溝 十城 南二

小天罡 十城 南三

大天罡 五城 南二十

北張家 十城 南二

王行家 八城 南十

吳橋縣志

卷之一輿地

范家閣 五城 南十

官庄子家 五城 南

梨園趙家庄 十城 南二

蔡家庄 十城 南二

范家庄 三城 南

葉家庄 七城 南

封家庄 城 西南

軍王家庄 十城 西南

張邦架家庄 十城 西南

羅家屯 城 西南

北趙橋庄 城 西南

南趙橋庄 城 西南

闖齊家庄 城 西南

堰高家庄 城 西南

小馬場庄 城 西南

宋門庄 十城 西南二

沙窩王家庄  
二城  
十里西南

祝家庄  
二城  
十里西南

時家庄  
二城  
十里西南

藍家庄  
三城  
十里西南

周家庄  
二城  
十里西南

崔家庄  
二城  
十里西

梁家庄  
三城  
里西

沙窩李家庄  
五城  
里西

徐家庄  
三城  
里西

張完家庄  
四城  
里西

杏園高家庄  
五城  
里西

鱗場王家庄  
八城  
里西

紀家庄  
十城  
里西

上村盧家庄  
十城  
里西

段家庄  
十城  
里西

鄧家庄  
十城  
里西

吳橋縣志



卷之一 輿地

二十

楊家樓  
十城  
里西

岳家庄  
八城  
里西

絲瓜張家庄  
八城  
里西

趙偉家庄  
十城  
里西

牛家屯  
五城  
里西

西老鴉張家庄  
二城  
里西

八里庄韓家  
城  
西北

王家坊  
十城  
里西北

武家坊  
二城  
里西北

佛劉家庄  
十城  
里西北

邢家窪  
二城  
里西北

丁家窪  
二城  
里西北

盧家庄  
三城  
里西北

東光馬家庄  
十城  
里西北

邵家庄  
四城  
里西北

朱家庄  
即城  
里西北

張家庄 卽卜家庵城西北三十里

張臯家庄 城西北二十里

七里庄 城西北二十里在河西

林家庵 去城十八里  
孫家庄 去城十里

雙廟楊家 城西北三十里在河西

香房張家庄 去城十里

馬寺丞家庄 城西北二十五里

倉上庄 在城北五里

三里井 在城北大道畔有甘泉迎送上司處

蘇家塚庄 城西北八里

吳良義家庄 在城北五里

邊家庄 城西北五里  
丁家庄 城西北十五里

竇家庄 城北十五里

滿家庄 城北十里

萬家庄 城北二十里

李百戶家庄 城北二十里

吳橋縣志

卷之一輿地

劉家坊 城北二十四里

陳孝坡家庄 城北二十里

彭家庄 城北四十里

劉千家庄 城北四十里

劉回子庄 城北四十里

大王家庄 城北三十里

趙家坊 城北四十里

馬家庄 城北三十里

舊志所載庄村僅三十二所未免太畧吳橋百姓盡鄉居自明季兵荒來孤村窳疇丘墟者多矣現存者僅八百有奇除古蹟寺廟鎮店集場已見外錄其人  
居稠密素有名稱者一百四十餘處以爲過詳歟以

為猶畧歟坐落分方向道里分遠近大率多出於傳聞未嘗身親經歷觀者亦論其大概可耳

集場

在城大街集逢一日縣前集逢六日因兵荒移出城

外在四關廂輪流趨趕

南關小集逢四九日

四鄉集場

連窩鎮 河東二七日河西四九日城西北四十里

吳橋縣志

卷之一輿地

二十一

安陵鎮 逢三十八日城西二十五里

新鎮店 逢四九日在城西十八里

畢薛店 逢五十日小盡初一在城南三十里

西堂集 逢二十七日在城東二十里

趙寨集 逢三十八日在城南二十五里

單家店 逢三十八日在城北二十二里

高家店 逢二十七日在城南宋口村去縣二十二里

溝店舖 逢三十八日在城東十二里 曹家窪集 逢三十八日在城西八里

樓子舖集 逢二十七日在城西北十里

張敖家廟集 逢五十二日在城東南十二里

趙虎家集 逢四九日在城南三十里

楊家寺集 逢二七日在城南十二里

新集 逢三十八日在城南二十五里

南徐王 逢三八日在城北三十里

北徐王 逢一六日在城北四十里

范家小屯 逢二七日在城北二十二里

波查店 逢二六日在城北白龍寺後去縣四十里

水坡集 逢五十日在城北十二里

三官廟集 逢一八日去城北十八里

吳橋縣志

卷之一輿地

二十三

于家集 逢四九日在城北二十里

慶豐店 逢五十日在城北十里

東小高家店 逢二七日在城南三十里

論曰觀民居之聚散識四方之治亂察貨物之貴賤

驗風俗之貞淫流離方集生齒未繁民貧財盡廛市

蕭條未嘗有居積之貨焉誰得滯財而役貧耶聚廬

而處生聚何以遂比屋而居教化何以浹益稷謨曰

懋遷有無化居畢命曰表厥宅里樹之風聲

風俗

隋志云性惇厚務在農桑

舊郡志云人多貴德俗皆敦朴衣冠不乏風俗熙熙

民淳訟簡無強暴相凌之風

宋志云質厚少文多專經術大率氣勇尚義號為強

伎士平而近邊習戰鬥 韓愈曰多慷慨悲歌之士

按此係河間府志一郡風俗大約相同乃今考之亦

不大異於昔也

吳橋縣志

卷之一輿地

二十四

俗尚

冠禮

久不行 舊志明世童子年十五六歲即加帽  
儒士能讀書未入學者即娶妻抱子亦垂髻不

包巾別  
無禮節

婚禮

不論財必以媒妁通婚書為定民間亦有以杯  
酒一言為定者必憑媒妁有問名禮遇令節有

綴節禮將婚有請期禮納幣禮臨娶有催粧禮嫁前  
一日陳設粧奩於婿之室俗謂之 床無貴賤皆親

迎禮儀筵席以貧富為概姻戚之家將嫁有漆箱禮  
俗謂之點茶既娶有餽禮俗謂之送飯當日有送嫁

禮俗謂之下馬筵席新婦三日廟見祭墓拜翁姑并  
伯叔翁姑畢然後執婦工婿往女家拜父母及姻戚

俗謂之回門至一月女家請婿  
同女必留宿數日俗謂之對月

喪禮

初喪即成服舉門旛照亡人歲數用大紙作長錢為旛燒還魂紙城中於城隍廟鄉中於土地

廟三日半夜焚馬轎紙鍊并門旛次日另舉門旛於大門外中門外立告訃牌士大夫家不作佛老事報

喪於親友民間喜作佛老事親友哭弔有奠有賻送旌等禮尋常用紙鏤主人送孝布孝帽孝帶至親婦

女亦哭弔喪事以五七為期子婦皆不飲酒食肉有携酒肉勸慰者謂之開齋則俗之不可為訓者停柩

於正寢不殯葬無定期有遲至數年者非禮也及至葬發引日親友俱步送抵於墓所多火炮盛幢旛作

紙偶佛仙人物車馬僕從士大夫仍用明器

祭禮

初喪五七盡七百日俱行祭每年遇忌日必祭士大夫四時皆祭其祖先自始祖以下皆祭不

但高曾祖父四世而已春秋則展墓

吳橋縣志

卷之一輿地

二十五

節序

立春前一日迎春東門外教場走馬作戲男女咸集滿路花紅飲春酒食春餅薦韭餃鮮紅菜

蕨謂之嚼春可以順氣醒睡

元旦

拜節貴賤通行今本縣拜節惟壻為甚有信宿而歸者有數日而歸者有至元宵前後而歸者

諺云有心拜節寒食不遲兒童有打核桃者有擊壤者有攤扮帶鬼臉者戲亦多端賭賽之風熾不能禁

也歌曰輸贏帶歲幾文錢

初七日

俗謂人七日民間忌點燈為鼠娶婦

元宵

張燈祭月煙火雜劇婦女往南堤聖母廟進香求嗣夜出觀燈士子拜文廟花爆燈火徹夜不

休十六日登城走百病與元宵同

二十五填倉日

以灰畫困寔以五穀農家吃順風糕

二月二日

龍擡頭引龍獻

梁頭鎮蝸鄉村咸祭賽土神其古春社之遺俗歟

十九日

西關外白衣菩薩廟會商賈輻輳百

貨俱陳數百里外多來進香

寒食

展墓携酒踏青

清明

插柳淘井女子戲鞦韆

端午

門懸艾虎女子帶彩符穿黃鞋小兒繫五色絲挂五色繚枕卧虎枕飲硃砂雄黃菖蒲酒食糯米角黍

六月六日

晒衣履士子晒書籍

七月六日

挂地頭長錢

中元七月十

五日

祭先祖設瓜果獻麻禾秣貧富皆然

中秋八月十五日

祭月用月餅瓜果各

設酒筵賞月歌舞通宵不寐貴賤皆然

九月九日

登高賞菊飲茱萸酒食糕

十月一

日 展墓焚寒衣

冬至日

拜賀如元旦禮今漸不行只有冬節免拜之字猶為告饌羊

吳橋縣志

卷之一輿地

二十六

臘八日

合五穀棗栗等果品煮粥祭先農祭先祖鄉紳富民施粥

二十三日

掃舍宇祀

灶用糖瓜黏糕主祭不用婦人

論曰五祀咸切于民事而竈居其一今庶民之家止

許祭竈而四者不與焉宜其敬而盡禮則糖瓜黏糕

何為者俗傳竈神每歲終察一年之善惡奏之天曹

其言雖幻而足以示戒夫人居室舉動言語即纖細

隱微必不能昧於竈神戒慎莫嚴焉事神者貴敬而

遠此神在屋漏之中不能遠矣曷弗敬焉

年除日

換桃符帖門神椒盤治酒子孫爲父母守歲是夜多不寢几讀書百工技藝咸溫習本業

論曰以三輔而有吳邑不啻着面黑子分安陵而隸景分陵州而隸德齊耶趙耶燕耶土厚民醇俗朴土質衣冠言語較諸隣邑望而知其爲吳人者安在其有分土無分民也黃河環抱衛水襟帶輿圖亦壯矣村落棊布星羅有富庶之象風氣敦厚人心古朴故民享壽考多有百歲之人其君子文章都雅其小人稼穡勤勞差稱近古若夫鬪鷄走狗青齊遺風擊筑

吳橋縣志

卷之一輿地

二十七

吹竿燕趙本色首善之化無譏焉兵荒相繼風景蕭條時勢變更教化衰阻何至信佛崇祀游俠健訟勇鬪輕生風已日競矣漸不可長也迺薄歸厚有風化之責者曷其加意焉